

ms. v. 10, doctrina...
in ip. in qu...
mcris in Rempub. litera...

8
M




P. d. 230

W

Theol. Q. IV. 377. 671.

grat erga parentes, à quibus in ha
Sicut enim





miris in Rempub. litera
In his in quibus

in un
dum ti

...o, commendatum ita g
...tagitum, vii un ca

grat erga parentes, a quibus in ha
... sunt. Sic enim



R A T I O I N E V N D A E
Concordiæ.

Das ist

Mittel vnd Wege / Wie
zwischen den Reformierten vnd vom
Papstumb abgetretenen Euangelischen Kir-
chen / eine gewisse // beständige Eynig-
keit vnd Friede anzurich-
ten seie.

Auch

Wie man den listigen Practicken der
Papisten / damit sie durch etliche vnweise Theologen
alle Euangelische kirchen / Sonderlich aber die in
Teutschland / zu vndertruckten gesinnet / eys-
gentlich begegnen möge.

Allen denen

So Frieden vnd Eynigkeit von hertzen begeren //
nützlich vnd notwendig zulesen.

M. D. LXXIX.

in unip
ambus

in unip
ambus

CONCORDIA
L. A. T. I. O. I. N. E. N. S. I. S.

Handwritten text in Gothic script, likely a title or introductory paragraph, appearing as bleed-through from the reverse side of the page.

Handwritten text in Gothic script, appearing as bleed-through from the reverse side of the page.



AB 1552 71
LXXIX D. A.

Handwritten signature or initials in blue ink.

grat erga parentes, a quibus in ha...



Dem Christlichen Leser vil
glück vnd heyl.

Der Meister oder Schreiber
dieses Büchlin's Christlicher Leser/Be-
klagt vnd beweyn't erstlich den grossen
schädlichen vnfall der Christlichen Kir-
chen vñ gemeyn/ In welchem sie leyder diser zeit steckt/
vnd erweist klärlich/ daß solche zerrüttungē niergend
anderswoher ihren Ursprung vnd safft haben/ denn
aus dem vnnötigen gezänck vieler vnrühiger Theo-
logen/ welche sich der Euangelischen reynen lehr rüh-
men.

Zum andern/bittet vnd vermanet er vffs aller vn-
terthenigst vnd fleissigst alle Christliche Potentaten/
Könige/ Fürsten vnd Stände/ daß sie die streitigen
sachen zur rechtmessigen vnparteyischer erkantnuß
vnd verhör kommen lassen wöllen. Damit die ihenige
puncten/welche vnserer seelen heyl vnd seeligkeit nit be-
rühren/ vnd sonst ohn not sein/ von den notwendigsten
vnd allein die Seeligkeit betreffenden Artickeln vnder-
schieden werden möchten.

Zum dritten/ schlegt er etliche leichte/ dienliche vnd
zu jeder zeit gebreuchliche mittel vor/ durch welche die

gegenwertige Spaltungen hingelegt / vnd ein Christliche Eynigkeit getroffen werden möchte.

Zum Vierden / gibt er augenscheinlich zuuernemen / dasz bisz anhero etliche vnruhige Theologen mit ihrem giftigen / nachthenligen lestern / schenden vnd schmähren / auch mit falschen vfflagen vnd verschreiwungen / auß lauter Stolz / Hoffart / Ehrgeitz / Bitterkeit / vnd dergleichen bösen affecten / die Christlichen gemeinden verunruhigt / vnd den lauff der rechten waren Religion verhindert haben. Nun mehr auch etliche mit allem fleiß vnd vermögen dohin arbeiten / dasz sie die Euangelische Potentaten vnd Fürsten an eynander heizen / vnd die wolbefridigte Kirchen / vnderm schein der Concordien verwirren / vff dasz / wenn sie durch vneynigkeit vnd gezänck von eynander gerissen vnd getrennet sein / desto leichter von den Feinden des Euangelij vndertruckt vnd außgerottet werden können.

Dieweil aber diese gar böse anschlege vnd handlungen / mit so wunderbarlichen listen vnd Practicken angestellt vnd fortgeschoben werden / gelanget dises Schreibers vnterthenigs hefftiges bitten vnd flehen / an alle Euangelische Könige / Fürsten / vnd Ständel / wollen sie anders den gemeynen nutz in Fried vnd ruhe sehen / die Freiheit des Euangelij erhalten / vnd sich von der verfluchten dienstbarkeit des leydigen Papstums

Vorred an den Leser.

stumbs ledig machen vnd verhüten/ auch vor Gott ein
gut gewissen haben/ daß sie der sachen fleißig warne-
men/ vnd das vnglück/ so ihnen ganz nahe ist/ vnd ge-
wislich ober ihren halß kommen wird/ wo sie nit ei-
lendß dasselbig vorkommen/ bei zeiten abzuwenden/
ernstlich bedacht seien.

Der Allmächtige gütige Gott wölle sie gnediglich
erleuchten/ vnd ihre hertzen dohin erwecken/ daß sie den
betrug vnd list ihrer Feinden recht erlernen / vnd sol-
gends mit allem fleiß vnd trew dem ihenigen nachse-
hen / das zur ehr vnd glori vnsers Herrn Christi / vnd
auch zu wolffart/ Fried vnd Eynigkeit des gemein-
nen Nutzen/ notwendig/förderlich vnd
dienstlich ist/ Amen.

A iij

4
Mittel vnd Wege / wie
zwischen den Reformierten vnd vom
Papstumb abgetretenen Euangelischen Kirchen ei-
ne gewisse / vnd beständige Eynigkeit vnd Fried anzurichten
sei / Christlicher trewhertziger wolmeynung ge-
stelt / durch den Edlen vnd Ehrnuesten /

C. Q. D. A.



Zerweil von allen rechtschaffenen Chri-
sten insonderheit erfordert wird / daß sie allen
ihren verstand vnd vermögen dahin richten
vnd anwenden / damit der Christliche Glaab /
mit welchem Christus allein geehret wird /
vnd das wort Gottes gefordert : Hergegen
aber alles was demselbigen an seinem lauff hinderlich ist / abge-
schafft werde. So wil ich die mittel vnd wege dadurch die spals-
tunge / so die Euangelische vnd vom Papstumb abgewichene
Kirchen vnd Gemeinden dieser zeit hefftig betrüben / durch vie-
le hochuerständige gottselige Menner / leichtlich meines erach-
tens / vffgehoben werden möchten / kürzlich begreifen vnd erzes-
len / der guten hoffnung vnd zuuersicht / wo dieses mein wolgez-
meyntes bedencken / nichts helffen wolt / so werden aber doch anz-
dere leut höhers verstands dadurch erweckt / etwa bessere mittel
vorschlagen / domit durch die gnade Gottes / vnd ihren heyls-
men rath die Protestirende Könige / Fürsten vnd Stände / sich
bewegen lassen ihre Euangelische / aber doch hefftig betrübte vnd
verwirrete Kirchen einmal widerumb in den vilgewunschten
angenehen Frieden vnd wolstand zusehen.

Dann wer kan den grossen schaden gnugsam außsprechen /
so

Mittel vnd wege Christlicher Concordien.
so durch das vnruhige gezenecke/ der ganken Christenheit ist ent-
standen: Wieviel tausent gottseliger vnschuldiger leut seind das
durch in pein vnd marter gerathen/ vnd jemmerlich hingericht:
Wieviel Stätte seind dadurch in verderbliche noth kommen:
Viel herzlicher Landschafftē beraubt/ geplündert/ vnd in grund
verheret: Wer ist doch so vnbarmerzig vnd verstockt/ der von
dem grausamen jammer ohn weynen vnd herzliches mitleiden
nur allein hören kan: vnd ist dannoch/ so man gegenwertigen
Standt der Christenheit inwendig ansehen vnd betrachten wil/
alles noch kinderspil gewesen/ gegen dem fünfftigen jammer/ so
fern demselbigen durch notwendige mittel nit vorkommē wird.

Dann es ist kein zweiffel / das die Papisten ihren heymli-
chen rath vnd meuterei darüber halten / ihr gelt vnd gut zusam-
men tragen / auch weder kosten noch arbeit sparen / domit sie die
Protestirende in vorstehender gelegenheit / darauff sie nun lange
zeit mit grosser begierde gewartet vnd gelaustert haben / von ein-
ander trennen / vnd endlich in grund verderben möchten.

Dieweil nun etliche den rath geben / das man ein gemeine
Bundnus vffrichten solle / vnd vff mittel bedacht sein / wie die
Protestirende im fall der not ihren Feinden starck gnug sein / vnd
im feld begegnen mögen. Bitte ich vmb verzeihung / wenn ich
sagen muß / das dieser rath nit eben strack zutreff / darzu alle mü-
he vnd arbeit / so darauff angewendet werden möchte / vergeblich
vnd verloren sei / Es sei denn zuuor vnter den Protestirenden ein
Religions Fried vffgericht vnd bestettiget / Sintemal durch vile
Exempel gnugsam beweislich ist / das die Bündnussen offte
mehr schaden denn nutzen bracht haben. So seind sie ohne das
vnter verständigen Fürsten nicht sonderlich notwendig / als die
von ihnen selber wissen / was ihnen beyde des gemeynen / vnd ih-
rer selbst eygnen nutzen wegen zuthun ist. Dañ welcher nit durch
die liebe zum gemeinen nutzen auch eigne sorg vnd fleiß sich vnd
das seine zubeschützen zu dem getriben wird / das man durch
Bünds

6 Mittel vnd wege
Bundnuß bei ihm suchet / der wird auch in denselbigen wenig
trew noch glauben halten.

Darumb sollen alle fromme herzen zu forderst mit allem
ernst ohn vnterlaß Gott bitten / daß er den Protestierenden Kö-
nigen vnd Fürsten ihze herzen erleuchten / vnd mit seinem H.
Geist regieren wölle / daß sie endlich einmal mit rechtem ernst
die mittel herfur sucheten / durch welche nach abschaffung aller
zu zank vnd zwitteracht erzeuglichen vrsachen / entweder ein ges
wisse / vnd beständige / oder ja leidliche Concordia vnd Eynig-
keit vnter ihnen selbst angerichtet werde. Dann so die gemüter
in den streitigen Partheien begütiget / vnd durch rechtschaffene
billiche mittel der Friede getroffen / ist alsdann gute hoffnung /
die Euangelischen Fürsten vnd Stände / werden willig vnd bez
rent / wie das die Christliche lieb vnd billigkeit erfordert / auch
ohne Bundnuß eynander selbst zuspringen vnd beistehen / do dez
ren einem gewalt oder vnbilligkeit zugefügt würde.

So ist nun der Streit vnder den Euangelischen vornems-
lich in disen dreien Puncten / als nemlich :

Vom H. Nachtmal des Herzen.

Von der Wahl vnd ewigen Vorsehung Gottes / vnd

Von der Person vnseres Herzen Jesu Christi.

I.

Vom H. Nachtmal.

Wo fürneme Partheien der Theologen seind mit
eynander zwitterchtig. Eyne / so man gewöhnlich nennt die
Lutherischen. Die andere aber Calvinische.

Die Lutherische beschuldigen diese des Zwinglischen / vnd /
wie sie meinen / von Zwinglio herzürenden irthumb. Nems-
lich / als solten sie leugnen / daß die Glaubige im H. Nachtmal
warhaff

warhafftig essen den waren Leib vnsers Herrn Christi / vnd sein
wares Blut trincken: So antworten diese / es werde ihnen solz
ches vngütlich mit vnwarheit zugemessen.

Die Caluinische sagen hinwiderumb / die Lucherischen
seien Cyclopes vnd Capernaiten / als die da bestreiten / der Leib
Christi sei im Brod verborgen / werd mit dem mund geessen / vñ
(wie etliche dauon reden) mit den Lefftzen berühret / mit den Zä-
nen zermalet / vnd in den Leib hinab genommen: So flagen die
Lutheraner / man deute ihnen ihre wort zum vnbesten / vnd viel
anders denn sie dauon lehren vnd halten. Daher kommen zwis-
schen etlichen Theologis die giftige Scheltwort / schmach / vñ
billigkeit / verkleynerung / lesterung / Schrift vnd widerschrift-
ten / Auch viel newe vnerhörte reden / ihre giftige lesterung da-
mit zuscherpffen.

Diese ding aber / dieweil sie offenbar am tag seind / wen
wil es wunder nennen / daß die Papiisten in ihrer Religion / so von
etlich hundert Jahren her / von ihren Vorfahren vff sie gelangt /
also steiff vnd vest halten / vnd vff die mittel gedenccken / wie nach
vndertruckung ihrer Widersacher / ihre Religion allein den platz
behalten vnd gelten möge.

O ihr Könige vnd Fürsten / die ihr euch des H. Euange-
lij so hoch rhümet / vnd aber diese schedliche zwitterachten so ge-
ring achtet vnd duldet / meynt ihr auch wol / daß nit ein mal die
zeit kommen werde / zu welcher Gott der gerechte Richter das
vnschuldige Christenblut / so durch ewer schuld vnd hinlässig-
keit vergossen wird / von euch vnd den ewren erfordern vnd heys-
schen / vnd die augenscheinliche verachtung seines Göttlichen
worts grausamlich rechnen werde?

Nun wolan / Wir wollen sehen / mit was mittel der sachen
zuhelffen / vnd gemeine wolfahrt erbawt werden möge. Ehe den
wir aber zum handel kommen / ist zumercken / daß zwischen bey-
den Partheien / so vil die ware heylsame Nriessunge des Leibs vnd

Bluts Christi im H. Nachtmal belangt kein streit ist / sonder als
 lein darinn / als nemlich / wie der Leib vnd Blut Christi gegen
 wertig / vnd auff welche weise wir derselbigen im H. Nachtmal
 theylhafftig werden / welcher Span nach vieler leuth meynung
 also geschlichtet werden kan / wie folget :

Erstlich / so mit allgemeyner der Euangelischen teutschen
 Fürsten bewilligung vnd cynhelligkeit ein gemeyne versam
 lung oder General Synodus (Wie denn etliche teutsche Für
 sten / vnd vil hochgelehrter Theologen offtmals andern Fürsten
 dieses Mittel / als hochnotwendig fürgeschlagen / vnd darumb
 bei denselbigen hefftig angesucht haben) angestellt vnd gehalten
 wurde / welcher versammlung sie selbst vorstünden / oder an ihre
 statt andere Politische vnd verständige Leuth ordneten / welchen
 der sachen wichtigkeit bekant vnd angelegen / die auch mit ihrer
 gegenwertigkeit / ansehen / vnd gewalt / die frommen vnd sitz
 tigen Theologen schützen vnd handhaben / Die Ehrgeizigen
 aber zänckischen vnd stolzen im zaum halten können. Dann so
 man diese Spaltungen allein den Theologen zuerwegen vnd
 zuerörtern heimstellen wolt / so ist der haß vnd neyd dermassen
 bei ihnen eingewurkelt / vnd veraltet / daß sie die hendel viel mehr
 verwirren vnd verstoren / dann mit Gottes furcht vnd Christli
 cher bescheidenheit vereynigen vnd richtig machen wurden.

Die Königl. B. in Engelland / hat den Teutschen Pro
 testierenden Fürsten gütlich vnd freundlich anzeigen lassen / sie
 wolle ihre Gesandten gern vff einen solchen allgemeynen Syn
 odum abfertigen / so fern sie die zeit vnd den ort frue gnug ver
 nemen können / vnd ist gute hoffnung / es würden andere Euan
 gelische Potentaten gleichesfals ihre Gesandten auch schicken /
 daß also mit Cynhelligkeit vnd gemeyner bewilligung aller
 Euangelischen Ständen / die Cynigkeit desto leichter getroffen /
 vnd folgendes desto gewisser vnd werhafftiger sein könnte.

Es wollen doch die Euangelische Fürsten bedencken / Ob
 es in

es in der ersten Kirchen nach der Apostel zeitē mit allwege breuchlich gewesen / daß der Keyser König oder Fürst dem Synodo oder General Concilio / so er angestellt / als das heupt selbst vor gestanden ist / oder do es nit hat sein können / ob er nit allwege etliche weltliche Personen / so an weißheit vnd verstand fürtrefflich gewesen / an seine statt erwehlet vnd geordnet habe?

Ist nun dieser brauch von so vil mechtigen Keysern vnd Königen vnd hochuerstendigen Fürsten gehalten / demnach von so viel gottseligen hochgelehrten Theologen als ein notwendiges Mittel zur Eynigkeit biß daher erkannt vnd angenommen / Warumb solt man zu diser vnrühigen bösen zeit solchen weg nicht auch vor die hand nehmen / da sich doch niemand finden leß / der bessere mittel zeygen könne?

Zum andern / Wenn ein solch gemeyn Colloquiū oder Synodus ins werck gericht / were es rathsam / daß die vorstände die verordneten Colloquente dahin vermögte / daß sie sich der Partheyischen gehessigen / vnd (wie der Apostel sagt) zu viel fleischlichen namen / als da seind Lutherisch / Zwinglich / Calvinisch vnd dergleichen enthalten / vnd dafür andere Byparteyische / sonderlich in werender versammlung vnd gesprech braucheten. Dann es seind in den Königreichen / Franckreich / Engelland / Schottland / Item / in den Niderlanden / Schweiz vnd anderswo viel mehr / Gott lob / denn 500000. Personen / die viel fleißiger / mit grösserer forcht Gottes / vnd besserem nutzen / die Bücher der H. Schrift gelesen haben / denn eben die Theologi / von welchen sie freuentlicher weise verdampt werden / Vnd die auch an weißheit vnd verstand so viel vermögen / daß sie auß Göttlicher schrift / vnd der alten bewerten Lehrer vnd Vätter eynhelligkeit / leichtlich vnderscheiden mögen / was vns zur seeligkeit notwendig sei zu glauben / vnd seind nit so vnbesonnen noch töricht / daß sie vmb D. Luthers seligen / oder Caluini willen / all ihr hab vnd gut / Leib vnd leben / darzu ihr heyl vnd seligkeit in

gefahz setzen wollen. Sie erkennen wol / das sie beide gelehrte woluerdiente Menner gewesen / die der Christlichen Kirchen wol vorgestanden / dabei wissen sie aber auch ihrer beiden schrifften also geschaffen sein / das sie in vielen stucken eyner auslegung bedürffen / vnd mit gutem verstand gelesen werden sollen.

Vmb desz wegen bedunckt es viele nicht vnratshsam / das man die irthumb / so etliche dem Luther vnd Caluino zuschreiben / verzeychne / dieselbige in gemeiner versamlung ermesse / vñ dem vrtheil eynes Synodi vnterwerffe. Darnach wo etwas dunckel oder zweifelhafftig in ihren schrifften befunden / eyne nützliche erklerung hinzugeset werde / vnd also müsse man es auch halten mit andern Scribenten. Dann so man die befundene irthumb verworffen / vnd was dunckel oder zweifelhafftig von Luthero vnd Caluino geredt ist / gnugsam erklet hat / als dann werden ihre Schrifften in grosser achtung sein / allen Gottseligen wolgefallen / mit grossen nutz gelesen / vñnd niemand drüber belediget noch geergert werden. Vff diese weise mögen die Euangelische Kirche eynen gewissen vnd bestendigen Frieden erlangen.

Vnd zwar ist es in alle wege billich vnd recht / das der menschen Lehr vnd glauben / desz gleichen was vnter ihne Spens nig ist / allein nach der heiligen Propheten vnd Aposteln als der rechten Probe / vñnd folgends nach der bewerten Vätter Lehr geurtheilt vnd hingelegt werden. Dahin sollen auch der obgenannten menner Schrifften gezogen / vnd nach dieser Prob sollen sie valuiret werden. Wie denn D. Luther an vielen orten von seinen eygnen schrifften disen sentenz selber gefellt hat.

Dann so heutigs tags Lutherus vnd Caluinus lebeten vnd in einem freien Concilio (nach dem jedermann so gross verlangen hat) ihre meynungen / so jekund streitig sein / auß ihren eygnen schrifften erhalten vñnd vertheidigen wolten / würden sie nicht als wahnwitzige nerzische Leuth verlacht vnd verworffen werz

fen werden / Darumb daß sie die Sachen / darauff der Christen
heyl vnd seligkeit stünde / nach ihren köpffen vnd gutbeduncken
zudrehen vnd zurichten sich vnterständen?

So man nun diese Freiheit vnd gewalt den lebendigen
Luthero vnd Caluino nicht gestattet / Warumb solt sie den tod-
ten mehr zugelassen vnd vergönt werden? Es hat ihm aber ihrer
keiner dieses nie zugemessen. Vnd ist gleichwol war / daß die jez-
werende Religions zwitrachten vnd gezentke / vornemlich vff
Lutheri vnd Caluini Schrifften bestehen / welche von den Par-
theien so halbstarrig vertheidiget werden / daß sie auch von etlis-
chen vnbescheidenen Theologen / der H. Propheten vnd Apo-
steln Schrifften / wo nicht vorgezogen / jedoch gleich geachtet
werden.

Zum dritten / So solt man die öffentliche irthumbe ver-
dammen / als nemlich / in diesem Artickel vom H. Nachtmal:
Wer da spricht / das die Glaubigen vnd Gottseligen
im H. Nachtmal nit warhafftig essen den waren Leib
vnseres Herren Jesu Christi / vnd nit trincken sein wa-
res Blut / der soll von der Gemein Gottes abgeson-
dert vnd außgeschlossen sein.

Zum vierden / Was nit notwendig zur Seligkeit were /
solt man von den notwendigen Artickeln vnderscheiden. Dann
es ist gewiß / daß dieser hefftige Streit / darinn man disputiert:
Was die Sacramentliche gegenwertigkeit sei / vnd wie wir des
Leibs vnd Bluts Christi theylhafftig werden im heiligē Nach-
mal / der vrsprung vnnd Brunquell ist / alles neidigen gezäncks
vnd widerwillen / do sie doch Einhellig sagen / daß die weise der
Nießung vnd Gegenwertigkeit vnerforschlich / vnd menschliz-
cher vernunfft viel zu hoch sei. Hieraus / sag ich / ist kommen der
Streit / Von der Person des Herren Christi. Von seiner Him-
melfahrt: Vom sitzen zur Rechten Gottes / vnd andere mehr

Puncten / dadurch die vornembste Artickel vnsers Christlichen Glaubens in zweiffel gezogen vnd verdunckelt werden.

Dieweil aber die Geheymnuß vnserer Christlichen Religion einfaltig geglaubt / vnd nit mit spiszfündigen gedancken durch die vernunfft geflügelt werden müssen / So sag ich das / Wo die Euangelische Christliche Könige vnd Fürsten / sich nicht dise Spaltungen vffzuheben / mit ordenlichen guten mitteln darein legen / darff man anders nit hoffen noch gedencen / denn das die Christliche Kirchen mit vielen ketzereien vergiffet / vnd ein grausame verwüstung derselbigen erfolgen werde / wie wir den sehen vnd wissen / das vmb gleicher vrsachen willē ganz Asia / Aphyrica vnd Griechenland leyder in eyne schreckliche Barbarei gefallen vnd versunken ist. Wenn nun die notwendige Fragen vnd Artickel von den vnnötigen abgesondert wurden / könte man das vielfeltige schädliche gezäncke durch Gottselige gelehrte Theologen leichtlich entscheyden vnd hinlegen.

Zum Fünfften / Stelle man eine solche Confession / die allen Gottseligen anzunehmen / vnd einem jeden glaubigen zur seligkeit gnugsam ist / Als zum Exempel:

Wenn ich das H. Nachtmal / wie es von vnserem Herzen Christo zuhalten eingesezt vnd befolhen ist / in rechter Gottesfurcht / vnd warem Glauben gebrauche / So glaube ich vnd bekenne / das / weñ ich von dem diener Göttliches worts das Sacramentliche Brod empfangen vnd esse / so esse ich auch warhafftig den waren Leib Christi / der vor mich am Creuz gehangen / gelitten vnd gestorben ist / vnd werde damit warhafftig gespeiset. Also wenn ich auß dem dargereychten Kelch den Sacramentlichen wein trincke / so bekenne vnd glaube ich / das ich auch in der warheit trinck / das Blut Jesu Christi / welches am stamm des Creuzes vor mich vergossen ist / vff das ich durch dise speise / werd ein Bein von seinen Beinen / vnd ein Fleisch von seinem Fleisch / Also das ich in Christo / vnd Christus in mir sei vnd bleibe.

Christlicher Concordien. 13
bleibe. Wie aber dises zugehe / laß ich mich gar nicht anfechten
sondern gnugsam ist mir / wenn ich glaube / daß Christus warer
Allmechtiger Gott sei / vnd das jhenige durch die krafft seines
heiligen Geystes in mir wircke vnd erfülle / das er allen glaubi-
gen zugesagt vnd versprochen hat.

Dises ist mein Glaub vnd kurze Bekantnuß vom H.
Nachtmal / die ich hoffe / sie werd von allen rechtglaubigen als
gut erkant vnd angenommen werden.

Oder stelle man etwa eine andere kürzere eynfaltige vnd
klare Bekantnuß / die zur Seligkeit notwendig vnd gnugs-
sam ist / wie denn dise nachfolgende des H. Eusebij Emissenij
Bekantnuß vom heiligen Nachtmal von vielen frommen
vnd gelehrten Leuthen gerhümet wird / da er spricht :
Wenn du zum hochwirdigen Tisch des Herren gehen
wilt / so heylige du dich zu entel geistlichen sachen: Thue
auff die augen des Glaubens / vnd sihe an den heylig-
en Leib deines Gottes / Fasse ihn in dein gemüt / Er-
greiffe ihn mit der hand deines hertzens / vnd neme ihn
ganz in deinen mund vnd leib des innerlichen Mens-
schen.

Wenn nun die in Engelland / Franckreich / vnd andere mit
ihnen obereynstimmende Euangelische Kirche zuuor gemeltē irz-
thumb ohnwegerlich mit helffen verdammen / vnd eyne laute-
re / klare / zur Seligkeit gnugsame bekantnuß / daran auch kein
zweiffel ist / annemen werden. Ist als dann (wie gesagt) in dis-
sem Artikel nur allein dise Frag streitig / Wie der Leib vnd
Blut Christi gegenwertig / vnd vff welche weise wir derselbigen
im H. Nachtmal theylhafftig werden.

Vmb deren willen könten die Vorstender des Concilij
von den Lutherischen begeren / daß sie mit lauterem verstandliche
worten

worten sich erklärten. Wie sie denn meynete/das der Leib Christi im Brod sei verborgen / vnd mit dem mund geessen werde. Desgleichen vom andern theyl auch erfordern / das sie gleichfalls klärlich zuuerstehen geben/vnd sagen musten/ Wie der Leib Christi im heyligen Nachtmal sei / vnd geessen werde / Also das zu erleutterung vnd verstande ihrer beyder meynungen feyner weiteren aufszuhunge von nöten.

Wolt aber jemand sagen: Man könne nicht eben solche wort / die Geheymnussen vnserer Christlichen Religion so eygentlich vnd klar an tag zuthun / wie man gern wolt / erfinden: Dem gib ich zur antwort. Das vmb dieser vrsach willen den Theologen beyder Partheien zustünde / vff gewisse wort vnd Formen zureden fleissig bedacht zusein / vnd sich deren halben eygentlich vorhin bei zeiten miteinander zuuergleichē / als nemlich deren / durch welche man zum Frieden vnd Eynigkeit der Religion / am nechsten zukommen mag / Sie wolten dann als verwegene Buben vnd offentliche zerstörer des gemeinen Nuzzen von jederman gehalten sein.

II.

Von der Wable vnd Vorsehung Gottes.

Sie Vorstender sollen sich zuuor öffentlich erklären / das sie niemand in die versamlung oder Concilium mit zulassen wollen/der folgende Artickel nit bekenne vnd für gut halte.

- I. Das Gott kein vrsacher der Sünde oder eyniges bösen sei.
- II. Das er die Lehr der Stoicorum, darinn sie halten/das alle ding/sie seien gut oder böse/also von norwegen/vnd anders nit/geschehen noch sein können.

III.

III. Das Gott an keyne Mittelding gebunden / Sondern als eyn freier Gott / nach seiner vnerforschlichen weißheit / vnd in ewigkeit beständigen gerechten willen / alles in allem sei vnd wircke. Vnd so etliche mehr jrthumb disfalls zuuerwerffen / möchten sie auch bei dise herzu gesetzt werden.

IIII. Erkläre man öffentlich / was in disen Puncten der zweck sei / vmb welchen die Partheien zwitterächtig sind.

Mich zwar bedunckt daruñ sei es beyden Partheiē am allermeisten in disem Artikel zuthun. Der Herz verstocket das herz Pharaonis / Exod. 9. Rom. 9. Vber der auslegung vnd erklärung diser vnd anderer dergleichen reden / so hin vnd wider in Göttlicher schrift geführt werden / hat sich die vneyigkeit vnd Spaltung erhoben. Dann etliche sagen: Die verstockung hab Gott also haben wollen. Die anderen aber / Gott hab sie verhenckt vnd zugelassen. Hieraus ist klärlich abzunemē / Das der zank nit ist vmb den handel oder die warheit selbst / sondern vmb die wort oder Form zu reden / wie im Colloquio solchs wol erscheinen würde.

So viel mich belangt / glaube ich / das Gott alles beschlossen hat vnter die Sünde / Auff das die verheißung komme durch den Glauben an Jesum Christum / gegeben denen die da glauben / Galat. 3. So glaube ich auch das die wort vnsers Herren Jesu Christi / des Allmächtigen Gottes gewiß vnd war sein / da er spricht / Marci 16. Wer da glaubt vnd getaufft wird / der wird selig werden / Wer aber nit glaubt / der wird verdampft werden. Vff dise verheißung fusse ich / vnd glaub festiglich / Das ich der außewelten Gottes eyner sei / nach dem Spruch des Apostels Pauli / 2. Corinth. 13. Versuchet euch selbst / ob ihr im Glauben seid. Prüfet euch selbs: Oder erkennet ihr euch selbs nit / Das Jesus Christus in euch ist: Es sei denn das ihr vntüchtig seid. Nach diser Regel vrtheile ich von meiner vnd aller glaubigen wahl /

vnd laß mir dabei genügen. Dann die Geheymnussen Gottes ergründen wollen / Ist eyne vermessene thorheit. Dieselbigen aber glauben / bringt leben vnd seligkeit.

III.

Von der Person Christi.

Es bekennen beyde Theil / daß Christus Gottes Sohn / vnd ein Herz sei vber alles / was vber dem Himmel / darinn vnd darunder ist. In summa / alles was Gott der Vatter hat / das ist sein / vnd wer das leugnet / soll verflucht sein.

Wenn ich aber an die zwitterachten / so sich in diesem Artickel erhaben / gedencke / grauset mir / vnd entsetzen sich alle meine gedanken. Dann daß man eyner jeden Natur in sonderheit oder in abstracto zueignet alles was von der Person gered vn̄ geglaubt wird / wie den etliche solches lehren. Was ist es anders / denn Christum in zwo personen theylen / vnd des Arrij, Nestorij, vnd Eutychetis ketzereien / widerumb vffs new in die Kirchen Gottes einschieben? Vnd das mögen leyder die Euangelische Könige vnd Fürsten hören vnd dulden. Sie sehen aber mit zu / daß sie nit mit der that erfahren / Wie hoch vnserm Herrn Christo dise lesterung seines Göttlichen namens mißfalle. Es wollen auch die Theologi zu gemüth führen / das / Wer die Maiestee Gottes ergründen wil / durch die klarheit derselbē verzeret wird / Vnd derhalben sich in disen sachen etwas vorsichtiger vnd bescheidener halten.

Dieweil vnter den Theologen (wie offte gesagt) im heiligen Nachtmal der Hauptstreit allein beruhet / vff der Sacramentlichen Gegenwertigkeit vnd Niesung des Leibs Christi / als nemlich / vff dem Quomodo, Will ich hievon etwas weitleufftiger denn zuuor handeln.

Erstlich

Erstlich / seind die Partheien eynig in dem / daß das H. Nachtmal von Christo dem Sohn Gottes eingesetzt vnd gestiftet sei.

II. Das Christus in diesem seinem Nachtmal allen Glaubigen seinen waren Leib zuessen / vnd sein Blut zu trincken warhafftig mittheyle.

III. Das vns dieses essen vnd trincken zu keynem nutzen gereyche / Denn allein durch den Glauben.

IIII. Das der Leib Christi sei ein speise der Seelen vnd nit des Bauchs. Derhalbē wir auch nicht mit dem Bauch oder zeenen / sondern mit dem Glauben zu diesem heylsamem Essen vnd Trincken gefasst sein müssen.

V. Das der Leib Christi im Himmel sei.

VI. Das kein auff vnd Niderfahrens des Leibs Christi im Nachtmal geschehe.

VII. Das diß Geheimnuß oder Sacramēt des H. Nachtmals in sich begreiffe zwei vorneme stuck / als nemlich / Ein vns sichtbares vnd innerlichs / welches ist der Leib vnd Blut Christi: Vnd ein sichtbarlichs vnd eusserlichs / das ist Brod vnd Wein.

VIII. Bekennen vnd glauben sie alle einmütiglich / daß alle Gottselige im H. Nachtmal warhafftig essen den waren Leib vnsers Herrn Christi / vnd trincken sein wares Blut / vnd das durch in solche gemeinschafft mit Christo kommen / daß sie bey ihm von seinen Beynen / vnd fleysch von seinem Fleysch werden / Daß Christus in ihnen / sie aber in Christo sein vnd bleiben. Wer dieses alles nit glaubt vnd bekent / der soll von der Gemeyn Gottes außgeschlossen vnd Verflucht sein.

So sehen aber die Lutherischen noch ferzner hinzu: Der Leib Christi sei im Brod verborgen / werd mit dem Leiblichen mund geessen / vnd sei sonst / wie es ihre vil hefftig bestreiten / an allen orten gegenwertig.

Hie muß man je billich wissen / Ob dieses leiblich essen des
Leibs Christi / als ein notwendiges stuck zur Seligkeit geglaubt
werden müsse. Dann wollen sie es also vor notwendig halten/
(wie wir sie dafür achten) So erfordert die würdigkeit / vnd ge-
wisshheit vnserer Christlichen Religion an ihr selbst / daß sie diese
ihre meynung / von eyner so wichtigen sache / auß den Schrifften
der H. Propheten vnd Aposteln / auch dem einhelligen Consens
der Bralten Lehrer darthun vnd erweisen.

Ob sie auch schon fürgeben / es geschehe auff eyne vner-
forschliche weise / vnd sei der handel Menschlicher vernunft vil
zu hoch / halten sie doch diesem zuwider / daß ihre meynung
von dem Leiblichen essen / bei verlust der seelen seligkeit müsse ge-
glaubt werdē / Wiewol sie ihrer meynung keynen andern grund
oder beweis darthun können / denn daß sie es also von ihren
Præceptoribus, gelernt haben. Welche weise zulehren in den
Kirchen Christi vnerhört / vnd keyns wegs anzunehmen ist. Sole
das gelten / so wurde eyn jeder was neues auff die Ban zubrin-
gen / vnd dasselbige als eynen Artickel des glaubens den kirchen
auffzudringen macht haben. So wurden auch die Papisten
in ihren irthumen vnd götzendienst gewaltiglich gestercket wer-
den / als die ihre sachen mit vil scheinbarlichern Argumenten
wissen zuschmucken / Nemlich also.

Sie seien nun von so vil hundert jaren her / ohn alles wi-
dersprechen / von so vil hochuerstendigen Gottsförchtigen Bi-
schoffen / von den gelehrtesten Theologen zu ihrer lehr vnd glau-
ben vnderwisen / Sei auch dieselbige lehr von so vilen / vnd in
mancherley Prouincien gehaltenen Synodis, deß gleichen auch
nicht wenigen Concilijs generalibus mit eynhelliger meynung
vnd Consens angenommen / approbirt vnd bestätigt / Derhal-
ben würde es eyne grosse verwegenheit vnd leichtfertigkeit an
ihnen sein / so sie sich durch eyniges menschen / als Lutheri / oder
wer der auch sein möchte / vngegründten / vnd mit keynem auß-
druck

erucklichen zeugnuß der H. schrift beweißlichen Opinion / von
ihzer lehr vnd glauben abführen ließen.

Aber wenn ihr Euangelische Theologen in Teutschland
dise ewere schädliche meynung / von d Sacramentlichen münd-
lichen niessung des Leibs vnd Bluts Christi / daruber ihr so heff-
tigen zant anrichtet / gnugsam / wie euch von rechtswegen zu-
stehet / an tag gethan vnd erklert hettet / Demnach auch zwischē
den fragen / so zur seligkheit notwendig sein / vnd den vnnötigen
eynen vndersehend hieltet / wurd euch nit schwer ankommē / mit
anderen bescheidenen Theologen vnd reynen kirchen frid vnd
eynigkheit an zurichten vnnnd zu erhalten / Vnnnd wurden auch
nach gemachter eynigkheit die Papisten nit mehr den Teutschen
auffrupffen vnnnd fürwerffen können / daß in ihzer Religion so
mancherley glauben als kirchen erfunden werden.

Derhalben bitt ich euch frommen Theologen vmb Chri-
sti Jesu willen / laßt euch ewer ampt vnd befehl / an welchem so
vil jämmerlich betrübte vnd angefochtene kirche / leyder eyne lan-
ge zeit vil zu vil mangel gespüret / vnd mit der that befunden ha-
ben / eynmal angelegen sein / Dann fürwar auff diser ewer erkle-
rung entweder frid vnd ruhe des gemeynen Nutzen / oder dessel-
ben sampt der kirchen schädliche zerstörung vnd vndergang be-
ruhet vnd gelegen ist.

Was nun die Gottlosen belange / seind alle Euangelische
Theologen des bekant: Das der Leib vnd Blut Christi im H.
Abendmal eyn Speiß des Herzens vnnnd nit des Bauchs / der
Seelen vnd nit des Leibes ist / Das auch die fromme Gottselige
leuth mit diser Heyligen Speiß vnd Tranck durch des H. Geys-
tes krafft vnd wirkung warhafftig genehret vnd gespeiset wer-
den. Das aber eyne Gottlose verfluchte Seele mit den from-
men von eynerley Speise vnd Tranck durch wirkung des Hey-
ligen Geystes soll genehret werden / bitt ich alle fromme herren
vmb verzeihung / sie wöllen mir nit verargen / wenn ich mich di-

ser meynung zu wider erklere/als der ich dieselbe in meinen glaub-
ben nit bringē kan / sie werden denn auß Göttlicher schrift klär-
lich dargethan vnd erwiesen / Dann je das Heylig Nachtmal
darumb eingesezt ist / domit alle desselbigen Tischgenossen eyn
leib werden / dessen haubt Christus ist / vnnnd das durch dise ges-
meynschafft die frommen von den Gottlosen vnderscheiden
werden / So seind je auch die wort vnsers herzen Christi hell vnd
klar gnug / Johan. 6. Wer mein fleysch ist vnnnd trinckt mein
blut / der hat das ewig leben.

Hie sollen die Theologi gleiches fals ermahnet vnd gebete-
ten werden / daß sie auch in disem stuck rund bekennen / was sie
dauon halten / Nemlich / wie eyn vngläubige Gottlose Seel
den Leib Christi esse / vnd ob vns dises zuglauben zur Seligkete
notwendig sei / daß die Gottlosen den waren Leib Christi essen /
Da wir sonst all eynmütig sagen vnnnd bekennen / Sie essen ih-
nen das Gericht / vnd werden schuldig an dem Leib des Herren /
als die ihn den Herren Christum / vor ihren Gott vnd Heyland
nicht erkennen noch annehmen.

Die Sachen aber endlich eynmal zubeschliessen / bedunckt
es (wie droben gesagt) vile verstendige leuth / den spaltungen am
gewissesten vnd schleunigsten abzuhelffen / der weg sein.

Erstlich / das in Teutschland eyn Synodus mit gemeyn-
ner aller Euangelischen Teutschen Fürsten bewilligung ange-
stelt wurde. Dann es können so hochwichtige sachen / vnd die
nit nur eyn land / sondern die ganze Christenheyt antreffen
vnd belangen / durch wenige leuth / ohn nachtheyl deren die es
mit angehet / nit erörtert werdē. Vnd wie die Römische Bábste
kaynen größern schrecken empfinden / dann so sie eyn Conci-
lium hören nennen / Also sihet man vor augē / daß den jenigen /
so jekund in Teutschland gleich eyn neues Bábsthumb anzur-
richten gesinnet / vñ alle andere kirchen ihren köpffen nach meyn-
steren wollen / nichts so gar zu wid ist / als eyn allgemeyner Syn-
odus

odus der Evangelischen ständen. Dann es ist feyn zweiffel/
wann es zu eynem allgemeynen Synodo, (wie hoch von nöten)
kommen solte / es wurden die Evangelische Fürsten ihzem ho-
hen verstand vnd frommigkelt nach / vil mehr dahin arbeyten/
wie dem elenden gemeynen nutzen geholffen / die kirchen wider-
umb auffgerichtet vnd befriediget würden / denn das sie etlicher
weniger Theologen Stolz Has vnd Neid sampt andere böse
Affecten / ihnen gefallen lassen vnd beifall geben würden.

Zum andern / Das man in solchem Synodo die ir-
thumme verdamme.

Zum dritten / Das durch die Vorstender mit der Theo-
logen hilff vnd rath / die stücke so nit notwendig zuglaubē seind /
von den notwendigen abgesondert wurden / Damit durch vn-
nötige sachen / der gemeyne nutz lenger nit betrübet werde. Auff
dise mittel vnd wege ist zwischen den Evangelischen kirchen ey-
ne Concordia leichtlich zu erhalten.

Nun wolan / zu befürderung der Sachen / glaube ich ves-
tiglich / das ich im H. Nachtmal warhafftig esse den waren Leib
vnseren Herren Christi / vnd sein waren Blut trincke. Ich glau-
be auch das durch dises essen vnd trincken meine Seel warhaff-
tig gespeiset vnd genehret werde mit dem Leib vnd Blut Chris-
ti / vnd das ich dadurch Beyn von seinen Beynen / vnd Fleysch
von seinem Fleysch werde. Wie das ? Antwort / durch den glau-
ben / damit ich den Herren Christum als meinen waren All-
mechtigen Gott ergreiffe / vnd durch die krafft des Heyligen
Geystes / dem dises Geheymnuß alleyn bekant ist / vnd der sol-
chen glauben in mir wircket.

Die weise aber diser Gemeinschaft zuerkennen / wil ich
mit gutem ruhigem vnd friedsamem gewissen erwarten / was der
allgemeyne Consens vñ meynung der Evangelischen Kirchen /
hierüber beschliessen / vñ an tag geben wird. Glaube aber drum
nicht

nicht das der Leib Christi warhafftig nach seinem wesen vnd Substanz in dem Brod verborgen sei. So glaube ich auch nicht das die gottlosen Seelen den H. Geist in sich kommen lassen/ oder das sie mit dem H. Leib Christi gespeiset vnd genehret werden. Sondern das sie an dem Leib vnd Blut Christi schuldig werden/ Dieweil sie die Regel vnd gebott/ die der H. Paulus als allen denen/ so zum Tisch des Herren hinzu gehen/ vorgeschrieben/ vnd außdrucklich vfferlegt hat/ halßstarriglich verachten vnd brechen.

Nun mag ein jeder auß grund der warheit bei ihm selbs ermessenn/ Ob ich desßhalben ein Gottslesterer/ Reker/ Sacramentschender/ ja viel erger denn ein Türck gehalten vnd sein soll: Vnd ob ich nicht von den rechtmessigen frommen Kirchen als ein glied in Christo erkannt vnd vffgenommen/ vnd wie ein Mitbruder gehalten soll werden. Dann vff disen beyden heuptstücken besteht die macht vnd krafft alles haders vnd gezencfs.

Da mich aber einer mit diser Frage zu red stellen würde/ Ob auch diejenige von andern Kirchen sollen vnd können als mitglieder in Christo vnd seiner Gemeyn/ an vnd vffgenommen/ vnd für brüder gehalten werden/ die den folgenden Punzeten statt geben/ vnd die vor recht halten. Als nemlich vnd erstlich/ Das man die irrthümme verdammen soll/ vnd das die Geistliche Niessung des Leibes Christi/ so durch den Glauben geschieht/ den frommen allein zugehöre. Vors ander/ das wol das Capernaitisch essen vnd trincken/ beneben den harten reden von der leiblichen gegenwertigkheit vnd niessung des Leibes Christi/ nach vrtheyl vnd meynung viler hochgelehrter vñ frommer Theologen zuuerwerffen sei/ Man müsse aber nichts desto weniger auch glaubē/ zu mehrung vñ stercküg des glaubens/ das der Leib Christi auff eyne vnaußsprechliche weise im Brod sei/ vnd mit dem mund genossen werde. Vors dritt/ das auch die Gottlosen den Leib Christi ihnen selbst zur verdainuß essen.

Ob/

Ob/ sag ich/ eyn solcher auch für eyn mitglied in Christo vnnnd mitbruder zuhalten sei?

Antwort.

Was andere hievon halten ist mir vn bekant. Ich meines theyls will ihn gern vor eynen Mitbruder halten vnd erkennen/ Dann es sollen die geheymnussen vnserer Christlichen Religion gar mit gutem bedacht / Bescheidenheyt vnd forcht Gottes in acht genommen vnnnd gehandelt werden/ Vnnnd wolte Gote das die Spaltungen dahin bracht werde könne/ das man nichts anders dann dises hette zuuergleichen / Dann ich halts vor gewiß/ es würden die vorstender / beneben den frommen Theologen/ so dem Synodo beiwohneten / dises mittel mit einhelliger stimm/ einigkheyt / ruhe vnd frid zuerhalten/ gern annemen vnd befrefftigen. So trage ich auch keynen zweitel / die Königl. W. in Engelland solt ihrer sonderlichen gütigkheyt / vnnnd höchstem zu frid vnnnd eynigkheyt geneygten willen vnd begirde nach/ eyn solchs Decret als hochnotwendig nit alleyn gern annemen/ sondern auch die zusage vnnnd verschunge thun / Do sich eyner oder mehr in ihrem Königreich demselbigen mündlich oder schriftlich/ heymlich oder öffentlich/ auff was weise es geschehen möchte / widersehen würde/ dieselbigen als zerstörer vnd feinde gemeynes fridens in ernstliche straffe nemen.

Da nun die andere Euangelische/ Könige/ Fürsten vnnnd Stände dergleichen thun werden/ so kan man frid erhalten vnd behalten/ Vnnnd ist gute hoffnung/ wenn der zencische eiffer als gemechlich nachgelassen vnnnd erkaltet ist / so werde mit Gottes gnad vnd hilff/ durch verstand/ ansehen vnnnd gewalt der Euangelischen Fürsten vnnnd Ständen / auch zeitlichen wolgehabten rath der frommen Theologen eyn allgemeyner/ stetiger/ gewisser vnuerbrechlicher friede der Kirchen widerfahren vnnnd erhalten werden.

Diß ist auch D. Luthers rath vnd bedencen/ wie man widerumb zur eynigkheyt kommen vnnnd dabei verharren möge/ wie

D

auff d' Epistel so er dē ersten des Wintermonats Anno/ 22. 1537.
den Euangelischen Stetten in Schweiz zugeschriben hat/ kler-
lich offenbar ist/ Derhalben ich denn auch für rathsam vnd gut
angesehen habe/ dieselbige Epistel von wort zu wort allhie einzuf-
ühren vnd zuwiderholen.

Antwort Herrn D. Martini Lutheri
auff der Euangelischen Stätt in Schweiz an
ihne der Concordi halben gethanes schreis-
ben vnd Declaration.

Den Erbarn fürsichtigen Herrn Burgermeis-
tern/ Schultheysen/ Maiern/ Rätthen vnd Bürgern
der Endgenössische Stätten samptlich/ Zürich/ Bern/
Basel/ Schaffhausen/ Santgallen/ Mülhausen vnd
Bühl/ meinen besondern günstigen Herrn vnd guten
freunden.

Grad vnd frid in Christo vnserm Heyland/ Erbare fürsich-
tige liebe Herrn vñ freunde/ Ich hab nun mehr dann zuuil
lang verzogen/ auff ewer schrifft an mich gehn Schmalz-
kaldē gethan/ Solches verzugs wolt ich mich wol gern entschul-
digen/ hoffe aber es sei nit not/ dieweil ich achte E. Erb. selbst wol
wissen/ wiewil mir teglich auff dem halse ligt/ der ich nun alt vnd
schwach bin / also daß ich mich auch jetzt hab müssen abschelen-
von den leuten vñnd geschefften / damit ich dise schrifft eynmal
fertigen möchte.

Ich hab nun zwar widerumb E. E. schrifft gelesen/ vñnd
bin des erstlich hoch erfrewt / das ich vernommen/ wie/ hindan
gesetzt aller vorigen scherffe vnd verdacht/ so wir mit ewern Prez-
digern

digern gehabt / ewer ganzer grosser ernst / eynigkheit anzunehmen vnd zufürdern beschlossen sei / Der Gott vnd Vatter aller eynigkheit vnd liebe / wölle solch gut angefangen werck gnediglich volführen / wie geschriben steht / Wann Gott gefelle eynes Mannes weg / so befehzt er auch seine feinde zum fried / Nun ist wol war vnd kan auch nit anders sein / das solche grosse zwickracht nit kan so leichtlich vñ bald / wider ganz ohne ris vñ Narben gehenlet werden / dann es werden beyde bei euch vnd vns etliche sein / welchen solche Concordia nit gefällig sonder verdächtigt sein wirdt / Aber so wir zu beyden theylen / die wir es mit ernst meynen fest vnd fleissig anhalten / wird der liebe Gott vnd Vatter wol seine gnad geben / das es sich bei den andern / mit der zeit auch zu tod blute / vnd das trüb wasser sich widerumb setze.

Ist derhalben mein freundlich bitt E. E. wölle darzu thun vñ mit ernst verschaffen / das bei euch vnd den ewern / die Schreier / so wider vns vñ die Concordi plaudern / sich ihres schreien haltē / vñ das volck einfaltiglich lehren / darneben dise sachen der Concordi lassen befohlen sein / denen die darzu beruffen vnd tüchtig sein dieselben nit hindern / gleich wie auch wir allhie beyde in geschriffen vñ predigen / vns ganz still halten / vnd messigen wider die Ewern zuschreien / damit wir nit ursach geben / die Concordiam zuhindern / welche wir ja von herzen auch gern sehen / das weys Gott / vnd Gott gelobt des fechtens vnd schreien ist bishero gnug gewesen / woh es hette sollen etwas außrichten. Vnd zuuorderst will ich ja ganz demütig gebeten haben / wöllet euch zu mir versehen / als zu eynem der es ja auch mit herzen meynet / vnd was zu fürderung der Concordi dienet / souil mir jñer möglich / an mir nichts mangeln soll / das weys Gott den ich zum zeugen auff mein Seel nimmb / dann die zwickracht weder mir noch anderen geholffen / sondern vilen schaden gethan hat / das freilich nichts nutzlichen noch guts darinnen zuhoffen gewesen vnd noch nit ist.

Vnd damit ich auff ewere artickel komme / So weys ich feynen mangel an dem ersten / von dem mündlichen wort / dann wir auch nichts anders lehren / dann das der heylig geyst müsse innwendig wirken im herzen der zuhörer / vñ das das eusserlich wort alleyn nichts außrichte / Sonst woh es das eusserlich wort alleyn sollte thun / würden alle glaubigen / die es hören / welches doch nicht geschicht / wie die erfahrung oberzeugt / vnd S. Paulus spricht / Rom. 10. Haben sie es nit gehört / aber sie glauben nit alle dem Euangelio / Doch das demnach das mündlich Euangelium / Gottes wort vñnd Gottes krafft heysse zur seligkheit allen denen die daran glauben / Rom. 1. Also durch welches Gott rufft vnd zeucht welche er will / durch seinen heyligen geyst / vnd was hierinn in geschriffen von euch oder von mir / gegen andern nit möchte ganz deutlich verstanden werden (dan wir können nicht eynereley weis / noch eynereley Sprach gebrauchen) So wirt Doctor Capito vnd Martinus Bucerus wol deutlich vnd klärlich hierinnen zu mitteln vnd alles auff's best zuerklären wissen / wie ich mich dann dessen gänzlich zu ihnen verseehe / das sie es mit ganzem fleis vnd trewen thun vnd thun werden / als ich dann bisshero nit anders gespürt hab.

Des gleichen der Tauff halber / im andern Artickel / spür ich auch feyn vngleichs / Dann gleich wie jetzt vom mündlichen wort geredt ist / so halten wir auch / das alleyn wasser vñnd wort (welches das fürnemste in der Tauff ist) ohne den heyligen geyst innwendig / nichts schaffe eusserlichen / Doch solcher Tauff Gottes eusserlich zeichen / ja gezeug vñ werck / dardurch Gott in vns wircke / damit es nit eyn lehr ledig menschenzeichen oder eyn losung sei.

Der dritte Artickel vom Sacrament des leibs vñnd bluts Christi / haben wir auch noch nit gelehrt / lehren auch noch nit / das Christus vom Himmel oder von der rechten hand Gottes hernider vnd auff fahre / weder sichtbarlich noch unsichtbarlich /

bleis

bleiben fest bei dem Artickel des glaubens / Auffgefahren gehn
Himmel / sitzet zur rechten hand Gottes / von dannen er künfftig
ist / 2c. Lassens Göttlicher Allmechtigkeyt befohlen sein / wie
sein leib vnd blut im Abendmal vns gegeben werde / wo man
auß seinem befehl zusammen kombt / vnd sein einsatzung gehal-
ten wirt / Wir gedenccken da keyner aufffahrt noch niderfahrt /
die da solte geschehen / sonder bleiben schlecht / vnd einfältigliche
bei seinem wort / Das ist mein leib / das ist mein blut / 2c.

Doch wie droben gesagt / da wir eynander hierinnen nit
so genzlich verstunden / So sei jekund dz das beste / das wir gegē
eynander freundlich seien / vnd vns immer guts gegen eynander
versehen / bis sich das gluma vnd trübe wasser sese / So kan Do-
ctor Capito vnd Martin Bucer hie vnd in allem wol zu rathen /
wo wir nur die herzen zusammen schicken / vnd allen vnwillen
fahren lassen / damit dem heyligen Geyst raum gegeben werde.

Weitter die lieb vnd freundliche Concordien vollkommen
zumachen / wie wir dann vnser theyls / sonderlich ich meiner
personen halben / willich allen vnwillen von herzen fahren las-
sen / vnd euch mit lieb vnd trew meynen / dann wann wir / so es
mit ernst treiben / schon das höchst thun / dörffen wir dannoch
wol grosser Gottes hülf vnd rath / dieweil der Sathan vns vnd
der Concordi feind / wol wirdt die seinen zufinden wissen / die da
bawm vnd felsen in weg werffen werden / das nit not thut / das
auch wir vnwillig vnd verdächtich auff eynander sein / sonder
ist not / das wir herzen vñ hand eynander reychen / geben vñ fest
halten / damit es hernacher nit erger werde / dann vor.

Vom Bann oder schlüsseln / weyß ich mich nit zuerin-
nern / ob jemals streit oder zwitteracht zwischen vns gewesen sei /
villeicht ist es in disem stuck bei euch bas gefasset dann bei vns /
vnd wird sich / wo es sonst alles vollkommen wirt sein / die Con-
cordi hierinnen nit stossen noch saumen / Ob Gott will / Amen.

Solches will ich dismal auff Ewer E. geschriff auff

fürhest geantwort haben / Bitt wöllend es für gut auffnehmen /
dañ in meinem kopff steckē täglich vil händel / schwere gedanckē /
daß ich nit kan eyn jeglichs also handeln / als hette ich nit mehr
dann eyns oder zwey zuthun.

Hiemit befehl ich E. E. alle sambt / vnnnd alle die Eweren
dem Vatter aller barmherzigkeyt vnnnd trosts / der verleibe vns
zu beyden theylen seinen heyligen Geyst / der vnserer hertzen zu-
samen schmeltze in Christlicher lieb / vnnnd außfuge allen schaum
vnd rost menschlichs verdachts / vnnnd teufflischer bosshert vnnnd
argwohn / zu lob vnd ehr seinem heyligen Namen / zur seligkeyt
viler Seelen / zuwider dem Teuffel vnd Bapst / sambt allen sei-
nen anhengern / Amen. 1. Decembris / Anno / 22. 1537.

E. E. Williger

Martin Luther.

Hierausz gib ich den Euangelischen Königen / Fürsten vñ
Ständen / auch den frommen / fridsamen Theologē zutrach-
ten / wie nutzlich vnnnd notwendig es sei / daß eyn einfaltige klare
bekantnuß / so zu vnserm heyl gnugsam vom heyligē Nachtmal
des Herzen / darinn die weise der Sacramentlichen gegenwer-
tigkeyt vnnnd niessung des leibs vnd bluts Christi nach aller not-
turfft gnugsam erklet sei / gestellt werde: Oder so das füglich nit
geschehen kan / daß doch vnder den Theologis / von wegen der
wort vñ formulen zureden / eyne vergleichunge gemacht / damit
eynmal das verderbliche gezänck / so sich daher erregt hat / eyn
end nemen möge: Welches den gelehrten vnd frommen Theo-
logen nit schwer zuthun sein wirdt / vnnnd man billich von ihnen
gewertig ist.

Dañ sie wissen gar wol / daß etliche Theologi / in meynung
damit zuerhalten / daß der leib Christi im Brod des H. Nach-
mals

mals verborgen sei/ vnd auch von Gottlosen geessen werde/ vil vngereimter/ scheusslicher opinionen Von der Person Christi/ Von seiner himelfarth/ Vom sitzen zur rechtē Gottes des Vaters auff die ban bracht haben/ Dadurch die wahre Religion auff dem fundament bewegt vnd erschüttet/ Die vornembsten Artikel in eyn zweiuel gezogen/ vil ketzerei in die kirchen Gottes eingeschoben/ der gemeyne nutz in die eusserste gefahr braecht/ vnnnd das ichs eben heraus sage/ das Babstumb gestreckt/ vnd eyn offener weg zum Türckischen Mahomet/ vnnnd verleugnung der Göttlichen Maiestat gemacht vnd gebant wird.

Wenn die zur seligkeit notwendigen stück durch die Theologen von den vnnötigen/ wie ihnen wol angestanden were/ vnderseynden/ vnnnd ihrer opinion eyn rechter name gemacht/ so were lang eyn bestendiger allgemeyner frid vnder den Euangelischen Potentaten vnd Fürsten gemacht worden.

Damit aber diese schädliche vnnnd verderbliche spaltungen vber den vornembsten haubstückē vnserer Christlichen Religion eynmal mit gemeynem rath/ einhelligen Consens/ gewalt vnnnd beforderung der Euangelischen Königen vnd Fürsten entscheyden/ vnnnd ganz auffgehoben werden möchte/ mit vermeldung ihrer schweren straff vñ vngnad/ da jemand mit weiterem zant den gemeynen nutzen betrüben würde/ sollen alle liebhaber gemeynes fridens mit ihrem ernstlichen gebet/ vnnnd allem vermögen eynen solchen gemeynen Synodum helffen befördern. Disse beduncken mich also die vilgebrauchte/ leichte vnnnd bequeme mittel sein/ dadurch die Euangelische Kirchen nach auffhebung alles vnnötigen streits vnd gezäncks in frid vnd eynigkeit widerumb gesetzt werden möchten.

Allhie kan ich nit vnderlassen/ euch die frommen Theologen alle sambt/ vor den gerechten richterstuel Gottes zuladen vñ darbei zuermanen: Das ihr vermöge ewerer hohen pflichten/ damit ihr dem Sohn Gottes vnserm erlöser vnnnd seligmacher

Jesu

Jesu Christo / demnach auch ewer Christlichen Oberkeyt zuges-
 than vnd verbunden seid / daß ihr derselbigen ewerer Oberkeyt
 auffrichtig vnd trewlich die warheyt bekennen / Ob deren zwit-
 trachen / so vnter etlichen Theologen / von der Person Christi /
 Von seiner Himmelfahrt vnd sitzen zur rechten Gottes sei-
 nes Himmlischen Vatters heutigs tags vberhand genommen /
 so vil zur Seligkeyt notwendig seien oder nit? in betrachtung
 daß gemelte artickel / vorhin von den vralten bewerten lehrern /
 so Christlich hell vnd klar nach aller notturfft beschriben / vnd
 bei vns den nachkommenden hindlassen / am tag seind / Ob man
 sie loben soll oder nicht? Seind sie nicht / sage ich / der mehr
 ertheil als schädliche / Gottlose / verfluchte handel / von jeder-
 man zuerwerffen vnd zuerdammen? Dieweil auch an dis-
 sem handel der kirchen Christi vnd aller Stenden des gemeyn-
 nen Nutzen heyl vnd wolfahrt gelegen ist / stehet es nicht euch
 Theologen sonderlich zu (wo ihr anders glaube daß Christus
 eyn Gott sei) daß ihr in diser hochwichtigen / vnd Gottes ehr am
 meisten belangende sachen ewer ampt zu gemüt führet / vnd
 demselbigen trewlich vnd fleissig nachkommet.

Zu dem / dieweil der streit von der Sacramentlichen ge-
 genwertigkeyt / vnd niessung des leibs Christi im H. Nachtmal /
 wie nemlich dieselbige zuersehen sei vnd zugehe / alleyn noch zu
 entscheyden vnd auffzuheben vberig ist / wenn die mittel / so ich
 der sache zum besten / trewhertziger Christlicher wolmeynung vor-
 geschlagen / euch etwan nit gefallen / were es nit billich / daß ihr
 als dann bessere mittel suchet vnd vortrüget / auff daß die sched-
 liche zwitrachten hinweg geraumbt / vnd die vil gewünschte ey-
 nigkeyt / in den kirchen Christi / vñ dem gemeynen Nutzen ange-
 richtet werde. Dieweil aber nichts gewisses oder bestendiges von
 disem alle ohn eynen allgemeynen Synodum beschlossen od' ge-
 handelt werdē kan / trag ich keynen zweiffel / ihr werdet denselbē /
 so vil an euch ist / trewlich vnd fleissig helffen ins werck richten.

Nun

Nun muß ich auch eyn wenig sprach halten mit denen Theologen/ die sich des gemeynen Schatzkammermeister oder Reichs-terambts vber andere kirchen so frei vnd gedurstig vndernehmen dürffen/ vnd wil ihnen gleich als mit fingern zeugen / wie sie so groß leyd vnd vnflug dem gemeynen nutzen gestiftet haben/ das auch von tag zu tag je lenger je grösser wird vnd zunimbt. Ob sie durch meine trewhersige vermanung bewegt/ dasjenige leyden wollen / das trewen vnd frommen Theologen zustehet vnd gebüret. Dann das sie der kirchen Gottes hefftig zu wider gehandelt haben / will ich ihnen gnugsam beweisen / mit dem anhang / do sie dasjenige / so sie entweder wissentlich oder vnwissentlich mißhandelt haben / nit widerumb zuuerbessern / vnd gut zumachen sich vnderstehn werden / als dann künfftig zu seiner zeit eynmal werden selbst erfahren / das Gott den grossen vnd grewlichen sünden / mit grossen vnd schrecklichen straffen zubegegnen gewohnt ist.

Erstlich ist auß ihren büchern / so im öffentlichen truck seind allen menschen bekant / das sie die kirchen in Engelland/ Franckreich/ Niderland/ Schottland/ Schweiz/ vnd vile andere/ so in der Religion eynmütig sein/ vngehörter sachen/ ihres vilfaltigen begerens vngachtet vnd zuwider / als kaiserliche/ vnd die mit dem wort Gottes vntrewlich vmbgehen sollen/ verdambt haben/ Sie auch in ihrem grossen vnglück/ darinnen sie von allen seiten schwerlich bedrängt vnd verfolgt worden/ des teuffels martyrre genant / die vil weniger denn die Gottlosen Scythen vnd Türcken zu dulden seien / Vnd ist vnleugbar/ in dem sie die kirchen in Engelland vnd Franckreich verdammen/ das sie Königl. W. in Engelland vnd Nauarren auch andere mehr standhafftige woluerdiente Fürsten angeregtes greulichen lasters theylhafftig machen wollen.

Sie wissen wol das der Papst zu Rom vnd Herzog von Alba Königl. W. in Engelland etlich mal grosse gefahr leibs

vnd lebens durch ihre heimliche Practicken zu gerichtet haben/ denen sie doch durch sonderliche vorsehung Gottes entgangen ist. Nun gebe ich allen verständigen leuthē zuermessen/ Ob auch der Papst zu seiner gewlichen mörderi grössere beschönung/ anlaß / vnd vorschub haben könnt / ihre Königl. W. zuerbansnen / oder neue auffruhr wider sie zuerwecken / damit sie entweder mit listen oder gewalt hingerichtet werde/ denn eben das verfluchen vnd verdammen der Teutschen Theologen.

Es wöllen auch alle liebhaber gemeines Friedens die sache bedencken / Ob jemand gewissere vnd bequemere mittel erdencken hett könnē/ Königliche W. in Franckreich zu bewegen/ den so hoch verbrieften/ vnd mit aller darzu gehörigen Solennitet geschwornen Frieden/ wider dero Unterthanen zubrechen? So können die Euangelische Potentaten / Fürsten vnd Stände/ leichtlich vrtheilen / Ob Königliche W. auß Hispania grössere vrsach haben könte / ihrer gefasten vngnaden gegen die Niederland / Sonderlich was die Predig des H. Euangelij belange ihnen dieselbigen feins wegs zugestatten.

Zum andern/ Werden vil Kirchendiener nit allein zu hof/ sondern auch in den Stätten vñ Dörffern in Teutschland durch die vnzeitige vrtheil diser Kirchenrichter nit allein durch öffentliche schrifftten/ sondern auch durch brieffe derselben dahin bewegt vnd angereyxt/ daß sie beinahe keine Predig thun könnē/ in dero sie nit obangeregte Kirchen herüber ziehē / vnd mit allerlei schmach vnd lesterworten vff das ärgste vor ihren Gemeyndē dargeben vnd verhaßt machen. Also werden leyder durch ihre list vnd Practicken die heiligen gliedmassen Christi zerissen vnd zertzert/ vnd seine Kirchen mit so gefährlichen Spaltungen verwirret/ daß entlich nicht anders/ denn deren vberfall/ vnd eufferstes verderben zubesorgen ist.

Zum dritten / Gibe ich eynem jeglichen zubetrachten/
Ob jes

Ob jemals die Scythen oder Türcken so vnbillich gehandelt/
 ob je ein Volk so gar vn menschlich vnd vn barmherzig gewesen
 sei/ das seine benachbarte/ Könige/ Fürsten vnd Stätte/ also
 gar vnerhörter sachen/ die auch zur billichen verhör vnd erkant-
 nusz zu kommen allezeit begert haben/ so vn schuldig verdampft/
 vnd entehret hab/ als dise selbst gewachsene Kirchenrichter/ die
 so viele hochlöbliche/ vnd vmb den gemeinen Nutzen woluer-
 diente Fürsten/ so vil fromme vn schuldige Kirchen/ die mit
 grossem ernst/ vnd schier vngleublicher standhafftigkeit die ehre
 Christi befördert/ vnd die reyne ware lehre Göttliches worts mit
 vergiessung ihres eygnen bluts bekennen vnd bestätigen/ aller
 ihren glimpff vnd ehre/ so vn uerschambter weise/ öffentlich mit
 vn warheit zuberauben/ sich vnderstandē. Ob auch eyner jemals
 arglistiger practicken sich an seinen Feinden zurechen geübet hat
 be denn dise Kirchenrichter/ damit sie vil vn schuldige vnd mit
 Gottesforcht wolgezierte Könige vnd Fürsten/ des gleichen sehr
 viel Christlicher Kirchen in groß angst vnd not bringen:

Ich wil mich gern dem Vrtheyl aller frommen herzen
 vnderwerffen/ ob dis nit ihre werck seien/ Ob sie nit alle ihre
 handlungen vnd rathschlege dahin richten/ ob ich ihnen auch dis
 se ihre böse thaten nit mit warheit fürwerffe vnd verweise. Wel-
 ches ich darumb öffentlich thue/ das sie durch meine hefftige je-
 doch in warheit gegründten vermanungen lernen in sich selbst
 gehen/ vnd die wunden/ so sie geschlagē widerumb heylen/ auch
 die verfallene Kirchen vnd Gemeynen/ widerumb auffrichten
 vnd erbawen helffen.

Dieweil sie aber so vile Könige vnd Fürsten/ auch so vile
 Kirchen öffentlich verdampft/ auß welchen verdammungen sehr
 grosse vnd gefährliche vnruhe in dem gemeynen Nutzen erregt/
 vnd noch viel bössere zubesorgen seind. So erfordern die Göttli-
 che vnd menschliche gefasz/ dazu die Natur selbst/ das die ver-
 dampften Partheien auff ihr ansuchen vnd begeren gehört/ auch

ob ihnen recht oder vnrecht geschehen sei / vnpartheylich rechtsmessig erkant werde.

Damit aber in diser wichtigen sache billiche ordnung vnd maß gehalten / vnd dieselbige ins werck gerichtet werden möge / will ich zweierlei mittel zeygen. Das erst / Das ein gemeyne versammlung oder Synodus, in Teutschland angestellt werde / zu welchem die Königliche W. in Engelland ihre Commissarien zuschicken erbötig ist. In welchem auch die Partheien rechtsmessig gehört / ihre sachen auff das aller fleissigst erwogen / vnd der sentenz nach rechter erkantnuß derselben gesprochen werde. Wie das von alters her in der Kirchen breuchlich gewesen ist.

Die Kirchenrichter können nicht verneynen noch leugnen / daß etliche Euangelische teutsche Fürsten / vnd viel hochgelehrter Theologen / an die andere Euangelische Fürsten begert haben / daß man mit gemeiner stim in Teutschland eynen Synodum anstellen wolle. Sie bekennen auch selber / das dise weise vnd heylsame rathschlege der Fürsten vnd Theologen ihnen von den andern Fürsten (als die auch gegen dem gemeynen Nutzen einen Christlichen guten eyffer tragen) mitgetheylt seien. Damit sie auch ihre meynung hierüber / vnd was sie für gute mittel zur eynigkeit hetten / von ihnen erlernen möchten.

Wolan / Ihr Kirchenrichter / so last hören / Was bedünckt euch dann vor ein leichter vnd gewisserer weg dise zwitterachten vffzuheben vnd zuenden / dann durch eynen freien allgemeynen Synodum in Teutschland? Sagt vsfach. Warumb habt ihr so vieler teutschen Fürste weise vnd heylsame rathschlege / vnd von allen frommen herzen so hochgewünschte Mittel verworffen / vnd mit arglistigen Practicken biß daher vnd noch / gehindert? Ewere in öffentlichem truck außgangene Bücher geben antwort. Nemblich / beschönt ihr euch damit / Es sei von eynem solchen Synodo nichts guts zuhoffen / es sei dann zuuor ewere Lehr vnd meynung von den Euangelischen Fürsten vnd
Ständen

Ständen Teutsches Landes angenommen vnd vor gut erkant.
 Was ist es aber vor ein Lehr? Nemlich die/ Das jederman glauben soll/ Der leib Christi sei in holtz/ Stein/ vnd solchen orten/ die man ohn schew nicht wol nennen darff/ Das viele ketzereien widerumb new gemacht/ durch welche die Kirchen Christi geargert vnd verstorzt werden/ wie denn diß allbereyt gnugsam von etlichen teutschen Theologis erwisen ist.

Damit ich aber dises geschweige/ so möchte ich gerne von euch hören: Mit was recht/ Exempel/ oder gewalt ihr euch so vil anmassen darfft/ das ihr von denen/ Gottes ehr vnd der ganzen Christlichen Kirchen heyl vnd wolfahrt belangenden sachen/ alleyn so künlich sprechen vnd schliessen dörfset: Beweiset mir/ so ihr anders könt/ das euch zustehe/ Christliche Könige vnd Fürsten vngehörter sachen/ die sich zur rechenschafft ihres glaubens allezeit gutwilliglich erbotten vnd umb gehöre gebeten haben/ zuuerdammen: Welches nichts anders gethan ist/ denn den Bralten löblichen gebrauch vnd gewonheit der Christlichen Kirchen verwerffen/ darzu alle Göttliche vnd menschliche rechte verkehren vnd umbstossen.

In summa/ dise selbstgewachsene Kirchenrichter/ als sie sich leichtlich dessen beredt/ es werd ihne ihr anschlag nach allem vorthenl glücklich hinauß gehen/ haben sie ihr Concordien Buch vilen Protestierenden Fürsten vnd Ständen vberschickt/ vnd umb beliebung desselbigen angehalten/ damit aber nicht zu friden gewesen. Sonder derselbigen Fürsten vorneme rätthe vnd Kirchendiener beide durch brieffe/ vnd ihrer Secten dazu dienliche menner/ mit grossem bitten vnd flehen ersuchet/ sie wöllen doch ihre Herzen dahin vermögen/ damit sie die jenigen/ so ihren der Theologen gottlosen decreten vnd meynungē zu wider waren/ mit ernst straffen/ vnd ihres Lands verjagen wolten.

Dieweil nun diß offenbar am tag/ wer wolt sich bereden lassen/ das sie nach mitteln zum Frieden/ wie ihnen von den

Fürsten vertrauwet worden / getrachtet haben / als die sich selbst verzathen / daß all ihre arbeit vnd fleiß darauff gerichtet ist / wie sie alle hoffnung eyner allgemeynen Concordien abschneiden / befreundete Fürsten an cynander hezen / die wolbefridigte Kirchen vnder dem schein des Christlichen eyffers betrüben / vnd also gleich eyne Spanische Inquisition in Teutschland cynführen mögen.

Hie bitt ich ganz demüthig vnd freundlich / der Christliche Leser / wölle doch die sache bedencken / ob ich ihnen nicht die warheit gesagt habe / Ob auch nit billich alle fromme fridliebende hertzen wider sie auff's höchst bewegt werden sollen / biß so lang sie rechenschaft gegeben / warumb sie so viler hochuerstendigen Fürsten / vnd gelehrter Theologen des Teutschenlandes / bequeme / billiche vnd gebreuchliche vorgeschlagene mittel zum frieden mit ihren Practicken allezeit verhindert haben vnd noch hindern? Warumb sie so vile vnschuldige / Könige vnd Fürsten vnuerhörter sachen verdammen? die auch auff ihr hefftiges begeren zur billichen verhör nicht kommen lassen wollen? Denn es hat die Königliche W. in Engelland sich willig erbottē / ihre gnugsamt tüchtige Gesandten auff einen solchen Synodum abzufertigen demselbigen beizuwohnen. So vil ist auch zu hoffen von Königlichlicher W. von Nauarra / als von wegen dero eygnen Erblanden / darinn sie vollkommenen gewalt haben / demnach auch deren so zur Krone Franckreich gehörig / so fern es Königlicher W. auß Franckreich nit zuwider ist. Item / es werden sich vil mehr andere Fürsten vnd Stände zu disem Christlichen werck / willig vnd bereyt finden lassen.

Das ander mittel ist / da schon auß Gottes gerechtem vrtheyl vmb vnserer sündē willen der vil vnd oftgewünschte hoch notwendige Synodus in Teutschland durch diser kirchenrichter arglistige practicken verhindert / vñ nit erhalten werden konnte / So ist doch billich / daß sie etliche zu ihrer königlichen W. in
Engelz

Engelland abfertigen / welche dero die grausame ketzerei vñnd
schreckliche irthumb / die sie den Kirchen ihres Königreichs
zumessen / erklereten / vñnd mit ihrer K. W. eyner sehr miltreichen
hochgelehrten Fürstinen / sich deshalben vnderredeten / Würde
sie auch ihre K. W. in solcher wichtigen sachen gnedigst vñnd güt-
tig anhören / vñnd ihnen der streittigen puncten halben nach not-
turfft auff's aller freundlichste zur rede stehē / Auß welcher hand-
lung sich als dann / in was ketzerei vñnd irthumb dero Königreich
vñnd kirchen stecketen / oder auch ob das gegenspil war sei / nem-
lich / daß sie wol vñnd Christlich halten / von allen articeln vnser-
rer Christlichen Religion / augenscheinlich erfinden.

Im fall die Engelländische kirchen eyner öffentlichen ke-
zerei vberwisen werden können / soll als dann disen kirchenrich-
tern ganz frei stehen / sie nach all ihren lüsten vñnd gefallen zuuer-
dammen / Befind sich aber die sache vil anderst / vñnd das sie die
reynne göttliche warhent haben vñnd bekennen / Solt es nit billich
sein vñnd ihnen den Theologis zuorderst wol gebüren (so fern
eyniges funcklein der Gottesforcht vñnd Christlichen liebe in ih-
nen steckt) zuerkennen vñnd zubekennen / daß sie auß vnwissenhent
gesündigt / vñnd der sachen vil zu vil gethan haben. Ja sie solten
alsdann Gott loben vñnd dancken / daß die kirchen / welche sie für
keterisch gehalten / in reynner Christlicher warhent / vñnd lehr des
H. Euangelij befunden worden.

Hierbeneben dieweil etliche Fürsten vñnd Stände in
Teutschland durch die vorurtheil vñnd schriftten diser kirchens
richter eingenommen vñnd bewegt / andere Fürsten vñnd kirchen
ganz verdecktig halten / steht es / vermöge außtrucklichen befehl
Gottes / der Christliche liebe / damit wir eynander verpflicht vñnd
verbunden sein / in alle wege zu / daß sie hinwiderum obgenanter
kirchen vñnschuld vñnd auffrichtigkent mit ihrem öffentlichē zeug-
nuß an tag thun / auff das / weñ den andern kirchen / so von ihñē
den Theologis vbel vnderwisen vñnd berichtet seind / die vñnschuld /
vñnd

vnd reynigkheit derselbigen lehr vnd glaubens kundbar gemacht ist/sie die nicht mehr/wie zuuor anfeinden/sondern/allen verdacht/sambt dessen vrsachen hindan gesetzt/eyn wahre Christliche vnd brüderliche vereynigung zwischen ihnen gemacht werde/sie auch eynander wahre lieb vnd freundschaft als mitglieder im Herrn Christo erzeugen vnd beweisen.

Ich fürcht aber es werden dise Theologen/so da meynen/es sei ihnen als neuen Bábste alles nach ihrem gefallen zuhandlen erlaube vnd vor gut zuhaben/dise meine trewherkige warnung ihnen wenig zuherken gehn lassen. Wo sie aber nie absteht den gemeynen nutzen zubelegenden/die Predicanten in Teutschland/ihrer faction Mituerwandte/anzureyken/vnd außländische Könige vnd Fürsten/defgleichen die vnschuldigen Euangelische kirchen zuentehren vñ zuuerdammen/hoff ich zu Gott/es werden sie die Könige vnd Fürsten/so von ihñ vnuerschamter felschlicher weise dargegeben werden/der offentlichen lügen oberweisen/vnd jederman zuerkennen geben/das sie nichts besser als verwegene vnuerschamte lestermeuler/verleumbder vnd verstorer seien des gemeynen frids vnd eynigkheit. Auch die sache bei ihrer Oberkheit dahin bringen/das sie als rechtschuldige vberzeugte/vergreiffer/beyde an der Göttlichen vnd weltlichen Maiestat/die billiche straff nemen/vnd furzumb nicht leiden/das dise verderbliche weit vmb sich fressende Pestilenzen in den gemeynen länger geduldet werden.

Das auch etliche dafür halten/die Ubiquitisten haben mit dem Römischen Bapst vnd desselbigen geschmeys ihren heymlichen verstand gemacht/denselbigen in seine alte werden widerumb einzusetzen/vnd die Euangelischen kirchen mit der wurzel außzureuten/hoffe ich/es werd dem gemeynē nutzen nit vbel gedient sein/wen ich bericht thue wie die sache geschaffen/das mit die Euangelischen Fürste allem vnraht zeitlich begegnē/vñ die gefahr/so ihnen darauß entspringen wird/eilend vorzukömen.

Zuuor

Zunor hab ich gemeldt / daß etliche Teutsche Fürsten auß fürtragender sorg vnd lieb zum gemeynen nutzen / anderer auch Euangelischen Fürsten rath vnd bedencken vber gegenwertige spaltungen disen Theologen (Nemblich den hefftigen vnd gleich als zusammen geschwornen vertedigern / oder wie gemeyne red ist / dichten vnd schmiden der Ubiquitet) vorgehalten vnd mitgetheylt / sich bei denselben der kirchen gütliche vergleichung vñ eynigkheit belangenden guten raths zuerholen / So seind aber die Ubiquitisten vil anders gesinnet / haben gemeynt / Es sei nun die rechte zeit / daß sie vmb den Römischen Papst / vñ dessen anhangen / auff welcher hilff vnd gunst sie ihre handlungen richten vnd volnführen / eynen guten danck verdienen möchten / gesellen ihnen derhalben etliche andere Doctores mit zu / so zwar gelehrt gnugsam / jedoch leicht zubeugen / vñ zu ihrem handel vast tüglich / der weltlichen handel aber nit so fundig noch erfahren als in vorstehender sachen von nöten ist. Daher kombt der anfang ihres Concordien Buchs / Sie wusten auch wol daß gar schwere vnd hefftige zwitterachten zwischen etlicher Stätt in Teutschland Predicanten vnd den Calvinisten noch vnuertragen waren / mit denen als die nit vbel darzu genengt / machen sie eyn gemeyn Decret / Daß die Calvinischen all feker / vnd in feynem ort oder Reich zudulden seien.

Nach dem sie also etliche Stätt durch derselben Predicanten ihnen günstig vnd beifellig gemacht / haben sie gedacht / es werden auch die Euangelische Fürsten in Teutschland ihr Concordien buch also mit gnedigstem vnd gnedigem wolgefallen annehmen vnd bekräftigen. Aber durch besondere gnade Gottes haben etliche teutsche Fürsten / so der Ubiquitisten Theologen anschlege vnd practicken / warum es ihnen zuthun gewesen / wol gemerckt / sich derhalben ihnen widersetzet.

Dann so die Euangelische Teutsche Fürsten vnd Stände / sich mit gemeynem Consens entschlossen vnd decretirt hetz

ten / das man alle Caluinisten auß dero Landen verdragen solt / wie denn die Ubiquitisten fleissige anregung vnd vorschub darzu geben / so ist feyn zweuel / es würden als dann die Papisten in gemeynen reichs versamlungen gefragt haben / warumb sie die Caluinischen auß ihren landen vertriben / vnd darinn feyns wegs zuleiden gedechten. Burden auch meines erachtens feyne andere denn dise antwort gegeben haben / das sie dises mit zeitigē wolgehabtem rath gethan / der ganken welt dardurch fundbar zumachen / das ihre der Fürsten Religion / zu deren sie sich bekennen / sei die rechte reyne Christliche lehr / die feynen mangel noch fehl habe.

Hie wöll der Christliche leser / dem gemeyner fried vnd einigkeit lieb vnd angeneh ist / fleissig nachdenckens haben / wie mit grosser freud vnd frolocken / dises der Euangelischen Fürsten Decret von allen Papisten angenommen / vnd höchlich gelobt wer worden. Daraus den dises eruolgen muste / das die Caluinische mit gemeynem rath vnd bewilligung aller Stenden des H. Römischen Reichs ganz vnd gar verdragt würden / vnd darinn nimmermehr feynen plaz haben könten.

Solte aber (das der Allmächtige gnedige Gott verhüten wölle) eyn solcher allgemeyner beschluß der Reichsstenden erges hen / vnd ins werck gericht werden / so were den kirchen in Engelland / Franckreich vnd andern die eyner gleichförmigen Religion bekant seind / damit der frid schon abgefündt vnd Lerma geblasen.

Über das / do irgend eyner der Euangelischen Stende des heyligen Reichs disem Concordien buch nicht vnderschriften hette / der müst nach gewöhnlichem brauch Teutschen Landes in die Acht erklere / vnd ihm wasser vnd weyd wie man sagt / genßlich versagt sein.

Alle verständige vnd der Weltlichen sachen erfarnē männer / wöllē disen handel erwegen / ob das nicht die rechte fruchte vnd

te vnd folgungen seien/der Ubiquitistischen handlungen vnd
 practicken/Alle sage ich die Gott mit verstand begabt hat / wol-
 len dises zu gemüt führen/ob man auch listigere vnd dienlichere
 mittel/die kirchen in Teutschland/ vñ denn auch andere/ so mit
 ihnen den Theologen der Religion halben streitig / mit vnuer-
 sönlichem haß vnd neid gegen eynander zuerbittern hett er-
 dencken mögen: Dann so von allen Ständen des Römischen
 Reichs/ beyde den Euangelischen vnd Catholischen/die kirchen
 in Engelland/Franckreich/Niderland/vnd vil andere mehr/so
 der Religion halben eynträchtig sein / außgeschlossen / wie keses-
 risch verdambt / erger als die Scythen vnd Türcken gehalten/
 vnd des ganzen Reichs vertriben sein solten/wo wurde den eyn-
 niges mittel / dadurch die kirchen Christi widerum möchten ver-
 sünnet/vnd zur Christlichen eynigkeit bracht werden/noch vbrig
 sein: Vnd das zubeweynen ist / könnte man auch durch dise ver-
 dämmungen vnd verkezerung eynen nehern weg finden/ alle
 Euangelische kirchen in gemeyn bis in grund zuerderben vnd
 außzureuten:

Es möchte mir aber jemand hie begegnen / die Protesties-
 rende Könige/ Fürsten / vnd Stende seien des hohen verstands
 daß sie diser Theologen anschläge vnd falsche Practicken zu ih-
 rem vorgehabten end nit können lassen würden: Ja lieber Christ/
 wenn der schaden so weit vberhand genommen vnd so tieff ein-
 gewurzelt hett/ mit welcher arznei wolt man denselbigen heylen
 vnd wenden können: Dann wie weit es gefehlt habe / daß dise
 Theologen den gewünschten zweck ihrer anschläge erreycht het-
 ten/erweist der außgang zum theyl genugsam / wie ich dassel-
 big noch scheinbarlicher vnd klärlicher an tag thun will.

Dann ich mit warheit sagen kan / daß Königl. W. in
 Franckreich/König Heynrich der Dritte/ als er in Polen gewes-
 sen / versprochen hat / den in Franckreich auffgerichteten friden
 trewlich vnd auffrichtig zuhalten / vnd zum innerlichen krieg

auch die geringste vrsach nit geben noch befürdern helfen.

So ist auch diß war / Nach dem ihre K. W. widerumb her-
 auß in Italias kommen ist / der Bábstliche anhang keyn star-
 cker durchringender Argument haben bei bringen mögen / ihre
 K. W. damit zubewegen / daß sie gegen den Euangelischen ihres
 Königreichs den Krieg widerumb ernewerten / als eben dise / daß
 nemlich die Protestierende in Teutschland / dieselbigen als heze-
 rische verdambt / vnnnd sich öffentlich erklere / daß sie vil weniger
 als die Scythen vnd Türcken zudulden seien. Do nun ihre K.
 W. als die den Nammen habe des Aller Christlichsten Königs /
 dieselbigen hegen vnnnd beschützen wolte / würde sie die gankere
 Welt wider sich erregen vnd zu feinden machen.

Also ist ihre K. W. durch dise hoch bewegende trawungen
 oberwunden worden / folgends ihre engene vnderthanen wider-
 umb auff's new mit frieg angetast / vnd dermassen betrangt / daß
 sie weder zu Wasser noch zu Land eynige hilff noch beistand / sich
 vor vnbilllichem gewalt zubeschützen / erlangen mögen / alle gute
 hoffnung schon in die schank geschlagen / vnnnd verzagt waren /
 biß sich der gütige Gott seiner elenden betrübten kirchen erbar-
 met / dem König das herß getroffen vnd gelencket hat / daß er ih-
 nen eyne erquickung vnd leidlichen Friden mit getheylt / densel-
 ben auch bishero / mit höchstē vnwillen vñ verdruß des Römi-
 schen Bábstes sambt seines anhangs / noch vnuerbrüchlich hat
 gehalten. Das ist so kund vñ offenbar / daß andere zeugnuß ohn
 not sein.

So weyß auch jederman / daß die K. W. auß Engelland
 den Euangelischen in Franckreich öffentliche hilff bewiesen / vñ
 sie mit gelt vnnnd Prouiand gesterckt / Dieweil aber eyn weiser
 man nit alleyn darauff sihet / was geschehen ist / sondern sihet vil
 mehr auff das künfftige / damit er ihm selbst durch seine vorsich-
 tigkeyt allzeit vor schaden sein vnnnd das böse abwenden möge /
 Haben die Euangelische Könige vnnnd Fürsten leichtlich zu ers-
 achten /

achten / im fall die Französische kirchen gar gedempffte / vnnnd verstorret worden / die Catholischen aber ihre macht wider die R. B. in Engelland gewendet hetten / wie schwerlich sie ihnen hette widerstand thun mögen / vnd von wem sie eynige hilff hett mögen zugewarten: Seitmal sie von den Teutschen Protestierenden schon vor kezerisch außgeschrien vnd verdambt were:

Ihr Protestierende Könige vnd Fürsten / Ihr Euangelische Fürsten in Teutschland / laßt scheinen ewere alte angeborne dapfferkent / gerechtigkeit / auffrichtigkeit vnd billigkeit / des gleichen andere vil tugende / damit ihr bißhero der gansen weit Welt bekant seid / ihr sehet vor augen / wie Gott seine bekümmerte angefochtene kirchen heutiges tages in augenscheinlicher grosser gefahr wider die feinde des H. Euangelij so wunderbarlich vnd gnedig erhellt / vnd beschützet / vñ ewere vbiuitistischen Theologen vnderstehn sich dieselbige zubeleydigen / Ja wol in grund zuuerderben.

Königl. B. in Engelland beneben andern Königen vnnnd Fürsten werden von den vbiuitistischen Theologen öffentlich verdambt / die begeret vnd bittet ganz freundlich vnd dienstlich das sie möge zur billichen verantwortung kommen vnnnd gehöret werden. Si lieber wo denn? In Teutschland. Von wem? Von denen Fürsten / die sich des H. Euangelij / vnd der reynen waren lehr so hoch rühmen / vnnnd das kan man leyder bei ihnen nicht erhalten. Wen doch die Scythen vnd Türcken von euch verdambt weren vnd vmb gutwillige audiens bäten / mit was billigkeit oder gefas / wolt ihr ihnen die abschlagen: Vnnnd wir wollen Gottes vnd seines worts / des H. Euangelij / vnd Christlicher liebe halben gerühmet sein.

Ihr frommen Theologi / die ihr nach der billigkeit vrtheilen sollet / Was haben die herrliche männer / Lutherus / Bucerus / Melanthon vnnnd andere treffliche gelehrte Theologen in Teutschland je mit höherem ernst vnd grösserem seuffzen von

Gott gebetten / was ist ihnen mehr angelegen gewesen / dann das sie mit ihren Widersachern von den streittigen Artickeln der Religion möchten öffentlich in der güte handeln? Hat nit auch Keyser Carl vnd andere Keyser hochlöblichster gedechtnuß ihne solches allergnedigst vergundt vnd zugelassen? Vnd ihr H. Väter stehet so fleissig im wege / daß die Königliche W. in Engelland / beiden Euangelischen teutschen Fürsten / vnd zwar miten in Teutschland nit mage gutwillige Audiens haben.

Wenn ihr die warheit sagen vnd recht bekennen wöllet / müßt ihr also sagen: Ei lieber / Wir haben die Königin in Engelland / desgleichen andere Euangelische Fürsten vnd Stände / öffentlich ohne alle scham verunglimpffet vnd mit höchster vnbilligkeit zum ärgsten angetast / ja als die ärgsten Kexer außgeschrien vnd verdampt. Darumb möchten sie velleicht zu hart bewegt / vnseren Teutschen Fürsten mit gleicher maß vergelten / vnd sich in rettung ihrer ehre / desgleichen in verantwortung der Euangelischen vnd ihne von Gott befohlenen Kirchen vnschuld eben gleichmessiger freihent zureden gebrauchen / deren wir vns in verfekerung derselben gebraucht haben / Dadurch als denn die gemüter der Königen vnd Fürsten / je mehr vnd mehr in vnwillen vnd feindschafft gerathen / sie auch / beiderseits / alle hoffnung des Fridens vñ der Concordia hindan gesetzt / ihren feinden desto leichter in die hend kommen / mit ihnen der Barauß gespilt / vnd das leyndige Bapsthum widerumb ganz eingeführt werden möchte. Das seind ihr heiligen Patres ewerre angesteltte Concordien fruchte / das ist ewer fleissigen lang getribenen anschlegen aufgang vnd end.

O Herz Gott / Wie gerecht vnd wunderbarlich seind deine gericht / deren man doch in so grosser not vnd gefahr sehr gering achtet. O der grossen frechheit / gewalt vnd vbermässigen stolz diser Theologen. O ihr Euangelische Könige vnd Fürste / Ich bitt euch abermal vmb Gottes ehre vnd Namens willen / laßt euch

euch die grosse gefahr / vnd das schreckliche vnglück / so vns auff dem halse ligt zu herzen gehen / vñ seid mit allem ernst dahin bedacht / wie ein rechtschaffene Concordia vnd Eynigkeit durch auß in den Euangelischen Kirchen gemacht werde. Welches fürwar so schwer nit ist / wenn ihz den streitigen sachen rechtmessige vnd billiche erkantnuß vor die hand nemet / vnd die seligkete belangende Artickel von den vnnotwendigen recht vnterscheidet. Die Theologen aber besser dann bishero geschehen im zaum haltet. Dann hieran ist des gemeynen Nußen vnd aller Euangelischen Kirchen heyl vnd wolffahrt gelegen.

Gott der Vatter aller barmherzigkete / wölle die Euangelischen Könige vnd Fürsten mit seinem H. Geyst gnediglich erleuchten / ihze herzen vnd gedancken also regieren / damit durch ihze hilff vnd vorsehung aller zank vnd hader / mit sambt deren vrsachen gestilt / vñd gantzlich auffgehoben / vñd ein guter gewisser vnd bestendiger Fried in der kirchen Gottes mit als gemeyner stin vnd Consens angerichtet werde.

Ihm sei lob vnd preis in alle ewigkete / Durch
Iesum Christum vnsern Hey-
land / Amen.

meritis in Rempub. lito
FIS. VITO, DOCTINA, ARGUM

in lps, in qu
libris find
Emancipati

155271

AB 155271


X2204136

quos fecit, premia doctor habet.
e dedit, dixit quoq. sede iacenti:

nerositate

Vera animi reuerentia





in unip
anbans
...comendatum ita gcl
...vixit annis vii mense...

32





RATIO IN EVND AE
Concordiæ.

Das ist

Mittel vnd Wege / Wie
hen den Reformierten vnd vom
pftumb abgetretenen Euangelischen Kir-
chen / eine gewisse // beständige Eynig-
keit vnd Friede anzurich-
ten seie.

Auch

man den listigen Practicken der
sten / damit sie durch etliche vnweise Theologen
e Euangelische kirchen / Sonderlich aber die in
Deutschland / zu vndertruckten gesinnet / ey-
gentlich begegnen möge.

Allen denen

Frieden vnd Eynigkeit von hertzen begeren //
nützlich vnd notwendig zulesen.

M. D. LXXIX.

